

Мергьяматлу, Регьимлу
Аллагьдин тIварцIелди!

السلام

АССАЛАМ

www.assalam.ru

НА ЛЕЗГИНСКОМ ЯЗЫКЕ

ДАГЪУСТАДИН МУСУРМАНРИН ДИНДИН ИДАРАДИН ГАЗЕТ

№ 7 (110) июль 2008 г. / Раджаб 1429 г. / Лезги чIалал вацра садра акъатзава. Къимет 15 манат

ТЕБРИК

Гьурметлу вахар ва стхяр!
ДУМД-дин ва гьакIни кьилди
жуван патай за квез алуьна-
вай Раджаб варз мубаракзава.

Вахт акуна-такуна акъатза-
ва. Ингье, на лугьуди накь
Рамазандин варз тир, гила мад
Раджаб атана акакьнава. Идани
и дуьнья атана фидайдан гьакь-
индай шагьидвалзава.

Уьмуьр атана авахъзавай
вацIуз тешпигь я, ана гьихьтин
яд жедатIа – рагьул, къацIай ва
я михь, хъваз жедайди – чалай ва чи ниятрилай, чна ийизвай
ибадатдай, михь рикIелай ийизвани, ийизвачни гьадалай аслу
я. РикIин сидкьи чаз гузвайдини вахъузвайди Аллагь-Таала я.
Гьаниз килигна чна Адавай и берекатлу йикъара чи рикIер ва
ниятар хийирсуз крар авуникай михь авун тIалабзава. И чими
июлдин йикъара мумкинвилез килигна сив къуни мусурманрин
иман ва сабур артухарда. Ибур лагьайтIа, женнетгьлийрин
лишанар я.

Къуй и пак тир вацра гьар са касдиз Вичин эмирар кыле
тухудай къуват гурай. Амин!

Агьмад-гьажи АБДУЛАЕВ,
ДУМД-дин председатель, РД-дин Муфтий



ПАК ВАРЦАР

Раджабдин варз

Мугьаммад-Гьабиб КАХИРОВ

Раджабдин варз Сад Аллагьди лап чIехи
мергьяматлувал ийизвай варцарикай
(Раджаб, Шаъбан, Рамазан) сад я. И варцара
хъсан крар, ибадат авунай Аллагьди вичин
мергьяматлувал са шумуд сеферда артухарзава,
рикIин сидкьидай аннамишзавайбурун
гунагьрилай гьил къачузва. Гьа икI, Къияматдин
юкьуз мусурманриз гзаф къезилвилер жеда. Сад
Аллагьдин и мергьяматлувиликай менфят къачун
тавун инсандин акьулсузвал ва лайихсузвал я.



виртIедилайни ширин я. Анай
ядни анжах Раджабдин вацра
сив хвейибурувай хъваз жеда.

Аллагьдин Векилди
лагьанва: "Раджаб - Аллагь-
дин, Шаъбан - зи, Рамазанни
- зи уьмметдин варцар я".
Ругьанийрини лугьузва: "Рад-
жаб вацра - цада, Шаъбан
вацра - яд гуда, Рамазандин
вацрани - бегьер кIватI хьий-
ида. Раджаб - мергьяматлу-
вилинни гунагьрилай гьил
къачудай, Шаъбан - жува-жув
михь ийидай ва руьгьла-
мишдай, Рамазанни - няме-
тар къазанмишдай варцар
я". Абу Гьурейрадилай атан-
вай гьадисдай аквазвайвал, и
вацра 27 юкьуз сив хвейи кас-
диз 60 вацра сивер къур къван
сувабар кхьида.

Раджабдин 27-йифиз чи
Пайгьамбар алааматдин
тегьерда цаварал фена.

"Раджаб" гаф пуд гьарфу-
никай (араб чIала ачух сесер
авайди туш) ибарат я: "р" -
"рагьмат" (Аллагьдин мергья-
матлувал лагьай чIал я), "дж" -
"джурмул абди" (Аллагьдин
лукIарин гунагьар лагьай чIал
я), "б" - ("Биру-л-Лагьи Таала")
- Аллагьдин мергьяматлувал
лагьай чIал я). Идалайни гьей-
ри, «Раджаб» лугьудай гаф
«Ат-Тарджиб» лугьудай гафу-
нихъ галаз алакьалу я. Имни
«артух авун, виниз хкажун»
лагьай чIал я.

Бухариди гьизвай гьадис-
рикай садай аквазвайвал,
«Раджаб» женнетдин
вацарикай садан тIвар я. Ана
авай ядни никIедилай лацу ва

Лугьуда хь, Раджабдин
вацра са дишегьлиди «Аль-
Акъса» мискинда гьар юкьуз
12 000 сеферда «Ихлас» сура
кIелиз хьана. Алукидай шей
авачиз, ада вичин къуьнерихъ
суе парчадин клус вегьез хьана.
Ахпа ада вичин хъивай, вич
къейила, сурук гьа и парчадин
кIусни кутун тIалабнай. Амма
хчин и кар рикIелай фена. Ахпа
адаз ахварай вичин диде аква-
да, адани лугьуда: «Зун валай
нарази я, вуна зи веси кьилиз
акьуднач». Теспача хьайи гада
къарагьна парчадин клусни
гваз сурарал реке гьатна. Сур
эгьунай ам пагь атIана амуькь-
на – сурук диде галамачир.
Ахпа адаз ихьтин
гафарин ван хьана: »2

НУМРАДА:

3 Вири терефар
фикирда къада



4 Дин кIвачел
ахкъалдарзава



5 КапI авунин
шартIар ва
къайдаяр



6 Чи къуват чун
тупламиш хьуна ава



Дуьз рекьин эвел

ГЪАЖ-2008

Гъазурвал аквазва

4 - июндалай гьаждал физ кланзавайбурувай
документар кIватIиз башламишнава.

«Баракат» фирмадин директор Абдурагьман
Гьажиева чаз хабар гайивал, цIинин йисуз
Россиядай 20 500 касдивай гьаж тамамариз
жеда.

Кеферпатан Кавказдин
координационный центр диз 12
500 чка ганва. Идакайни
Дагьустандал 8000 чка гьал-
тнава, яни цIи Меккадиз зия-
ратдал анжах 8 агьзур дагьу-
станвидивай физ жеда. Гьа
икьван чкайрин гьакьиндай
Меккедин мугьманханайрихъ
галаз икьрар кутIуннава.
Ибурукай са пай чилин транс-
портда, муькуь пайни самолета
таваз фида. Гьаждал маш-
гьул жез «Баракат», «Арафат»,
«Кавказ», «Зам-Зам», ва
«Муздалифа» фирмайриз
ихтияр ганва. Гьа са вахтунда
гьаждин къимет, алатай йисав
гекьгайла, 20-30 % хкаж
хьанва.

Сифтегьан сад лагьай вац-
ра документар гьаждал гьич
садрани тефейбурувай къа-
булда.

Арафадин югь цIинин
йисуз, виликамаз къур делил-
ралди, 8- декабрдал гьалтза-
ва.

ГьакI хьайила, чилин транс-
портда аваз физвайбуру 10-
ноябрдилай башламишна ре-
къиз экьечIна кланда.

Авиарейсар лагьайтIа, 20-
ноябрдилай башламишна 1-
декабрдалди кыле фида.
Вири 25 рейс жеда, гьабуру-
кайни Мединадиз – 10, Иор-
даниядай яна – 11, Сирияда –
2, Эмиратризни – 2 рейс
жеда.

Алай йисан зияратдин вахтунда гьихьтин цIийвилер
аватIа ва гележегда гьа жуьредин дегьивилер кыле фин
мумкин ятIа, квевай и нумрадин 3 чина Мегьамедрасул
ОМАРОВА гьаждин месэлайрай Дагьустандин муфтийдин
заместитель Агьмад-гьажи МУГЬАМАДОВАХЪ галаз авур
субьбетдай чир жеда.

ГЪАКЪИКЪАТДАНИ, ЧИРВИЛЕРИХЪ ЯЛЗАВАЙДАН КЪИЛЕЛ, АДАЛ ШАД ЯЗ,
МАЛАИКРИ ЧПИН ЛУВАР АХЪАЙЗАВА

Гъадис

ПАК ВАРЦАР

Раджаб-дин варз

1 «Ваз чизвачирни мегер, Раджабдин вацра заз ибадат авур кас За сура къилди тан тийидайди?»

Маса гъадисда Пайгъамбарди ﷺ лугъузва: "Талабуниз ваъ лугъун тийидай вад йиф ава: Раджаб вацран сад лагъай йиф, Шаъбан вацран къвед лагъай паюнин сад лагъай йиф (бараат), жуъмядин, Сив хуьнин ва Къурбанд суваррин йифер."

Пайгъамбардин ﷺ женгинин юлдаш Савбана ихътин ихтилат авунва: «Са сеферда чун Пайгъамбарди ﷺ галаз суарин патавай фидайла, ам акъваз хъана къевиз шехъна. За хабар къунай: «Я Аллагъдин Пайгъамбар! Вун вучиз шехъзава?» Ада жаваб гана: «Я



Савбан, и ксар сурун азабрик ква, за абур патал дуъа авуна». Ахпа Пайгъамбарди ﷺ даварна: «Я Савбан, эгер и ксари са юкъуз сив хвена ва са йифиз чпин Халикъдиз ибадат авунайга, абур ихътин азабрик жедачир». За адавай хабар къуна: «Я Аллагъдин Пайгъамбар! И вацра са юкъуз сив хуьни ва са йифиз Аллагъдиз ибадат авуни сурун азабрикай хуьдани?» Пайгъамбарди ﷺ жаваб гана: «Къин хуьй зун гъахъ гваз Пайгъамбар яз ракъурайдал, Раджабдин вацра са юкъуз сив хвена ва са йифиз ибадат авуна вичиз са йисуз сив хвейи ва вири йифер ибадатда акъудай къван сувабар хъин тавур гъич са мусурманни амуькдач».

Айшади чал агакъарнавай гъадисрикай сада лаганва: «Вири Къийаматдин юкъуз гъарат жед пайгъамбаррилай, абурун мукъва-къилийрилай ва Раджаб, Шаъбан ва Рамазандин варцара сив хвейибурулай гъейри».

Къуй Аллагъ-Таалади чун гъа ихътин ксарин жергеда турай. Амин!

ХАБАРАР

Цийи имам хкъяна

29 - майдиз Дербент шегъердин Буйнакская куьче-да авай 2- нумрадин мисклиндиз Махачкъаладай ва гъакни Къиблепатан Дагъустандай къве агъзурдилай гъаф мусурманар къватл хъанвай. Сятдин цийкъведаз ина Шазилидин хатму башламиш хъана.

Хатмудилай гуьгуьуниз къватл хъанвайбур и мисклиндин цийи имам хкъягъунин месэладиз килигна. Вирида рейсавдилелди и къвалах Шуайб Гъасанбекован хиветуна. Межлисдал Дагъустандин муфтийдин заместитель Абдулгъамид-гъажи Мегъамедов рахана. – Къуй инал къватл хъанвайбур, - лагъана ада имам Магъдидин къушундин сад лагъай жергейра хъурай. Ахпа цийиз хкъянавай имам патал дуъа Дагъустандин машгъур алим Магъди-гъажи Абидова авуна. Эхирдай межлисдин иштиракчяр асгъабрин суарал рекъе гъатна, ина абур дуъаяр авуна.

Нетижаяр къуна

И йикъара 22-23- майдиз Хасавюрт шегъерда къиле феи Кеферпатан Кавказдин жегъил алимрин конкурсдин нетижаяр къуна. Конкурс Дагъустандин мусурманрин Диндин идарадини «Киргу» твар алай алиш-веришдин Квали тешкилнавайди тир. Оргкомитетдин къиле Дагъустандин муфтий Агъмад-гъажи Абдуллаев авай.

Конкурсда Дагъустандаини Чечнядай вири 80 жегъил алимди иштиракна. Конкурс капл, илимар ва гъифз (Къуръан хуралай къелун) номинациярай къиле фена. Гъар са номинациядиз Дагъустандин вад машгъур алимдикай ибарат тир комиссияди къимет гана.

Конкурсдин нетижаяр ихътинбур хъана: Гъифз номинацияда сад лагъай чка Карабудахкент райондин Губден хуьрай тир Абдула Гъарунова къуна. Адаз пишкеш яз Пак Къуръан ва 3 агъзур доллар



«Ас-Саламдин» югъ

Июндин сифте къилерай Махачкъала шегъердин ракъун рекъин вокзалдин майдандал алай шейх Сайфулла-къади Башларован тварунихъ галай мисклинда муъмин стхайрин межлис къиле фена. Ам «Ас-Салам» газетдин йикъаз талукъарнавайди тир.

Межлисдиз гъаф къадар инсанар къватл хъанвай. Абурун гъаф пай «Ас-Салам» газет къинавал ва ам шегъерда инсанрин арада чкъурунал машгъул тир газетдин работникар тир.

Мярекат пак Къуръандин аятар ва «Нашидуль Ислам» группади мавлид къелунилай башламиш хъана. Ахпа межлисдал ДИУ-дин муаллим Мугъаммаднур-гъажи Мугъаммадов, Шамхал поселоқдин имам Ибрагъим-

гъажи Гъасанов, Махачкъала шегъерда «Ас-Салам» газетдин векил Мугъаммад-гъажи Мукъушдибиров, мярекат къиле физвай мисклиндин имам Сиражудин-гъажи Къурбанов рахана. Абуру чпин рахунра къейд авурвал, Ислам инсанар патал къутармиш хъун лагъай члал я. Адал амал авур кас къве дуьньядани бахтлуди жед. Гъаниз килигна исламдин теблигъадин важиблудвал чи йикъара екеди я. И кардиз вири пайгъамбарри чпин уьмуьр бахшна. Гъа и кар патал шагъидар тир Сайидмугъаммад-гъажи Абубакарова, Къурамугъаммад-гъажи Рамазанова, Нурмугъаммад-гъажи Рамазанова ва масабур чпин чанар гана.

Исламдин чирвилер инсанрин арада раиж авунин карда еке роль «Ас-Салам» газетдини къугъавза.

Межлис «Ас-Салам» газетдин менеджер Мугъаммад-гъажи Хирясулаева къилетухвана. Адан эхирдай Махачкъала шегъерда виридалайни пара газетар (1000 экз.) хкъей Омаров Салаватаз ВАЗ-21099 машин пишкешна.



гана. Къвед лагъай чка Леваши райондин Леваши хуьрай тир Мегъамед Алигъажиева къуна. Адаз араб члал хкъенвай ктабар ва са агъзур доллар гана. Пуд лагъай чкани Хасавюртдин Сайидмугъаммад-гъажи Абубакарован тварунихъ галай Исламдин университетдин студент Гъасан Давудова къуна. Гъадазни араб члал хкъенвай ктабарни 500 доллар гана.

Намаз номинацияда вири пуд чкани Ботлихдай атанвай студентри къуна. Сад лагъай чка къурТлохдай тир Мегъамед Абдулмаджидоваз Пак Къуръанни 1,5 агъзур доллар, къвед лагъай чка къур Мунидай тир Абакар Муртузалиеваз Къуръанни 800 доллар, пуд лагъай чка къур Тлохдай тир Агъмед Гъасановаз Къуръанни 400 доллар гана.

Виридалайни четин илимар номинаци-

яда сад лагъай чка Хасавюртдин Имам Ашъаридин тварунихъ галай Исламдин университетдин студент Абакар Абакарова къуна. Адаз пишкеш яз ВАЗ "Приора" автомобиль ва I дережадин диплом гана. Къвед лагъай чкадин, II дережадин дипломдин ва 2 агъзур доллардин иеси гъа и вуздин студент Абдурагъман Якубов хъана. Пуд лагъай чка, диплом, компьютер ва са агъзур доллар Хасавюртдин С.Даитован тварунихъ галай Исламдин университетдин студент Исмаил Эльмирзаева къазанмишна.

Идалайни гъейри, финалдиз акъатай гъар са иштиракчидиз, къур чкадизни килиг тавуна, 100 доллар пишкеш гана. Чечнядай атанвай виридалайни жегъил алим Мегъамед Юсуповаз цветной телевизор ва конкурсда гъалиб хъайи студентрин муаллимриз гъар садаз сумагар гана.

Конкурсдин нетижаяр къадай мярекатда Дагъустандин муфтий Агъмад-гъажи Абдуллаева, Чечнядин муфтийдин заместитель Мугъаммадшериф-гъажи Дадаева, РД-дин Муфтийдин заместитель Магъди-гъажи Мутаилова, муфтийдин куьмекчи Мугъаммадвакиль-гъажи Султанмегъамедова, Хасавюртдин алимрин Советдин председател Умарасгъаб Умалаева ва шегъердин администрациядин хейлин жавабдар векири иштиракна. Межлис Агъмад-гъажи Абдуллаева дуъа къелуналди куьтягъ хъана.

Каллиграфиядай конкурс

Куьне куь аялриз гуьзел Кхатл чира. Дугъриданни, им вилер патал лезет, руьгъ патални шадвал я. Гъадис

Хасавюртдин Имам Шамилан тварунихъ галай Кавказдин халкъарин Университетдин инициатива аваз каллиграфиядай конкурс тухуз ругуд лагъай йис я. И вуздин араб члалан кафедрадин заведующий И.И.Ханмурзаева къейд авурвал, йис-йисандавай конкурсдин ишти-

ракчийрин ва регионрин къадар артух жезва. Эгер сад лагъай йисуз конкурсдиз 30 къвалах гъанвайга, гила абурун къадар 150-дав агакъзава.

Алай йисуз тухвай конкурсдин гъалибчи Ахвах райондай тир Абдулмутал Нурмегъамедов хъана. Къвед лагъай чка теологиядинни религиоведениедин студент Мурад Мегъамедова, пуд лагъай чкани Дагъустандин исламдин университетдин студент Абдул Таймасханова къуна.

Гъалиб хъайибуруз къиметлу пишкешар гана.

Гъадис
**НАГАГЪ ЧИРВИЛЕР КЪАЧУЗВАЙ КАС, ЧИРВИЛЕРИН ГУЪГУЪНА АВАЗ РАГЪМЕТДИЗ
 ФЕЙИТИА, АМ ШАГЪИД ЯЗ КЪЕЙИДАЙ ГЪИСАБЗАВА**

ВАЖИБЛУ ИНТЕРВЬЮ

Мугъаммадрасул ОМАРОВ,
 журналист
 mr-omarov@mail.ru

Вири терефар фикирда къада

Агъмад-гъажи, алай йисуз гъаждиз гъазурвал акунин къвалахда дегишвилер авани?

- Эхъ, виликан йисарив гекъигайла, дугъриданни, дегишвилер ава. ИкI, месэла, гъаждал финин къимет хкаж хъанва. Гъелбетда, им чалай аслу кар туш. Дуъньяда къиле физвай къван дегишвилер чалай алатна физвач. Къиметар икI садлагъа-

Майдин эхирра Москвада Россиядин Гъукуматдин патав гъаждин гъакъиндай Советдин заседание къиле фена. Анал регионриз квотаяр паюннин ва зиярат тешкилун патал гъаж-компания тайинарунин гъакъиндай важиблу месэлаяр веревирдна. Советдин заседанидилай къулухъ Дагъустандин гъаж-компанияни кардик акатнава. Алай йисуз и къвалах



"Арафат", "Баракат", "Зам-Зам", "Кавказ", ва "Муздалифа" компанийри къиле тухуда. Документар 4-июндайла къабулиз гатлумава. Санлай Россиядиз 20 500 квота чара авунва. Алатай йисарив гекъигайла, зиярат ийизвайбурун къадар 20-30% артух хъанва. Июндин вацра сифте нубатда документар сад лагъай сеферда физвайбурувай къабулда, Арафадин югъ, чи гъисабунралди, 8-декабрдиз гатлума. Зияратдал 10-ноябрдилай фида. Авиарейсер 20-ноябрдилай 1-декабрдалди къван тешкилда. Вири 25 рейс жеда. Ибурукай, "Баракат" фирмадин директор Абдурагъман Гъажиева лагъайвал, Мединадай -10, Иорданиядай - 11, Сириядай - 2, Эмиратрай - 2 Алай вахтунда авиарейсер тамамардайди вуж ятIа тайин хъанвач, ам, тендер малумарна, тайинарда.

Алай йисан зияратдин вахтунда гъихътин цийивилер аватIа ва гележегда гъи жуьредин дегишвилер къиле фин мумкин ятIа, идан гъакъиндай Мегъамедрасул ОМАРОВА гъаждин месэлайрай Дагъустандин муфтийдин заместитель **Агъмад-гъажи МЕГЪАМЕДОВАХЪ** галаз сугъбетна.

Бязибуру гъар йисуз гъа са ксар физва, са сеферда хъайитIани физ къанзавайбуруз мумкинвал гузвач лугъуз, наразивал къалурзава. Чара авунвай квота вирибуруз бес тежедайла, куьне вуч ийизва?

- Дугъриданни, гъар йисуз гъаждал физвайбуруни ава. Анжах ахътинбурун къадар лап тIимил я. Абуру вахтунда чпин документар вугузва ва маса лазим крар виликамаз ийизва. Ахътин ксар гъаждал фидай ихтиярдикай чавай магърум жезвайди туш. Амма эхиримжи юкъуз документар гъаз атана, абур къабулун истемешзавайла, багъишламиша, ахътиндаз чна вуч авун лазим я? Документар виликамаз, вахтунда вугана къанда. Ахътин ксаривай чна гъамиша физвайбур къулухъ авуна документар къачуда. Гъаждиз туристический сиягъатдиз, курортдиз хъиз килигна къандач, гъавилай вири патарихъай кутугай шартIарни яратмишиз тежедайди чир хъун лазим я

Гъаж ийидай къайдани чир хъунин чарасузвал авайдакIани лагъана къанда. Им гъаж-компания хъуниз килигна, куьне сифте сеферда физвайбур патал савадлувал хкажзавай хътин курсар тешкилнавани?

- Кутугай суал я. Документар къабулиз гатлума сифте йикъарилай чна зияратчияр гъаж ийидай къайдадин гъавурда твазва. Идахъ галаз алаквалу яз буклетар ва Меккадани, Мединадани, маса пак чкайра къекъуьн патал куьмекдин къватIалар акъудзава. Семинарар тешкилзава. Телевиденидин куьмекдалди "Аллагъдин мугъманар" сериал къалурда. Мискинрин имамри и месэладиз талукъ яз гъаф къадар вязер ийида. Зияратчиди вичини гъаж авун патал вуч авун лазим ятIа алахъна чирна къанда.

Чи патай чна зияратчийрихъ галаз тежрибалу ксар рекъе твазвайдини къейд авун лазим я. Мадни къетIендиз къейд ийин, вилик йисарилай тафаватлу яз, таможнядал Диндин идарадин къуллугъчийрикайни сад векил яз жеда.

Автотранспортдивай гъихътин истемешунар тIалабзава?

- Шаз Туьркиядин таможнядилай 10 йис идалай вилик акъуднавай улакъар ахъайзава-чир Гъаж авун патал 1999-йисалай къулухъ акъуднавай транспорт ахъайзава, адалай виликанбур - ваъ. Гъаждин гъакъиндай суалар арадал атайтIа, "Ас-Салам" газетдин редакциядиз рекъе туртIа жеда.

на хкаж хъунин сад лагъай сефер Меккада 500 метрдин радиусда Гъарамдин къваларив гъай къван гостиницаяр цийи къилелай хкаж хъувун патал чукуруниз килигна, 500 агъзур касдин къван чкаяр тIимиларнава. Гъавилай Меккада 2-3 сеферда къиметар хкажнава. Къвед лагъай сефер ам я хъи, виридуъньяда нафтIадин къиметни хкаж хъанва, самолетда аваз финни багъаз акъваззава.

АкI хъайила, зиярат авун къвай акъваззава?

- "Арафат", "Баракат", "Кавказ", "Зам-Зам" ва "Муздалифа" компанийрай физвайбуруз юкъван гъисабдалди самолетда аваз фин:

Махачкъала-Медина, Жидда-Махачкъала - 82 500 агъзур манатдай,

Махачкъала-Акаба, Акаба-Махачкъала - 65 агъзур манатдай,

Махачкъала-Дамаск, Акаба-Махачкъала - 69 агъзур манатдай ва чилин транспортда аваз физвайбуруз 23 600 манатдай акъвазда.

Дагъустандай цинин йисуз шумуд касдивай физ жеда?

- Москвада хъайи эхиримжи заседанидал идан гъакъиндай

гъаф рахунар хъана. Жуьребажуьре йисара Дагъустандай фейибурун къадар 80% къван агакъзавай. Чи Республикадай гъаф къадар зияратчияр физвайвилай чна 15 агъзур касдин чка гун тIалабнай, амма вири Кеферпатан Кавказ патал анжах 12 500 касдин чкаяр, абурукай Дагъустандиз 8 агъзур чка гана.

Алатай йисуз чилин улакъраваз физкъанзавайбуруз документар вугуз ахгакънач лугъуз, наразивилер арадал атанай. Чилелай машинра ва цавай самолета аваз физвайбурун къадар гъикъван я?



- Чна зияратчияр низ гъикI къандатIа, гъакI рекъе твада. Муъжуьд агъзур касдикай къуд агъзур - машинра, амай къуд агъзурни самолета аваз рекъе твадайвал я.

Чи инсанри гъафбуру фикирзава, гуя гъаждал финин асул шартIар чалай, диндин идарадилай, муфтийдилай аслу я. Амма им дуъз фикир туш. Гъаждин месэлаяр гъаф къадар къурулушрилай аслу жезва. Вири чи гъиле авач. Месела, таможнядал мад сад-садан гъавурда такъунар арадал атайтIа, чун тахсирлу авун лазим туш. Зияратдал фидайла, чпелай

аслу жезвай гъар са уьлкведин, терефдин истемешунар кваз къуна къанзавайдини рикIелай алудна виже къведач. Исламдин асул дибрикай сад тир гъаж вири вахтара регъят тушир ферзерикай сад хъайиди я, гъавилай зияратдин рекъе гъихътин четинвилер гъалтайтIани, сабур хвена, алудун лазим я. Сад тир Аллагъди и ферзина вирида-лайни гъаф четинвилер тунвайди хъиз, камаллувални тунвайди рикIел хъана къанда.

Пулсуздаказ рекъе тун патархайни диндин идарадиз гъаф инсанар къвезва. Бязибуру, са гъихътин ятIани себебрикай багъна къуна, чпиз зияратдин рехъ ачухзавач лугъудайбуруни ава. И месэлаяр куьне гъикI гъалзава?

- Пулсуздаказ гъаждал ракъурдай мумкинвал чахъ авайди туш, гъелбетда алатай йисуз, чаз ван хъайивал, чи ватангъли Сулейман Керимова зияратдал фин патал са къадар пул ахъайнавай, амма и кардин гъакъиндай чун бейхабар тир, гъикъван пул авай, ам нив вуганвай, вужар ва гъикъван, гъинай фин лазим тир.

Гъавилай чавай и суалдиз са тайин жаваб гуз жедач.

СА ЮГЪ КЪИБЛЕПАТАН ДАГЪУСТАНДА

Муслимат БАКАНОВА

журналист

muslimat-2006@mail.ru

Дин кІвачел ахкьалдарзава



Ханмегамедов Магъарам-гъажи


И сеферда журналиствилдин рекъи зун Мегъармдхуьруьн райондиз гъана. Лезги чІалалди акъатзавай «Ассалам» газетдин редактор Ярагъмед ва адан буба Магъарам-гъажи Ханмегамедоврихъ галаз чун райондин хейлин хуьрера хъана. Лугъун лазим я хьи, хейлин хуьрера мисклинар эцигна кардик ква, са бязи хуьрера абур эцигиз башламишнава, са бязибура эсиллагъ авач. Медресейрикай рахайтла, абур гъич са хуьрени авач. И делири ахътин фикирдал гъизва хьи, дин Дагъустандин и регионда зайифдиз вилик физва. Джумъя йикъан капІ ина анжах райцентрда ийизва, Анин мисклиндинни гъич са пайни ацІузвач, капІ ийиз къвезвай-бурни анжах жегъилар я. Чун иниз атай юкъузни мисклиндал куьлегар алаз хъана. Чаз ина чир хъайивал, имам пата-къерехдиз фидайла, мисклин клеви авун чарасуз кардиз элкъвенва. Амма са суал арадал къвезва – рекъе-хуьле авай касдиз капІ ийиз кІан хъайитла вуч авун лазим я?

Жуван ихтилатда заз чяхъ галаз и юкъуз хъайи Магъарам-гъажи Ханмегамедов имам тир Гилийрин хуьрел кылди акъвазиз кІанзава. Са шумуд йис идалай вилик Магъарам-гъажидин хва, Къиблепатан Дагъустанда ДУМД-дин векил Ханмегамедов Султанагъмеда кыл кутуналди и хуьре медресани ахъайнай. Ана кІелиз кІандай аяларни гзаф авай. Анжах вахт алатайла иниз ракурнавай муаллимарни хъфена. Чпихъ махсус образование авай муаллимар тахъуниз килигна, медреседин кІвалахни къенин юкъуз акъваз хъанва.

Гъа и хуьре чаз, Махачкъаладай атанвай корреспондентриз, «лезги» фу недай ва ам чразвай жуьре акун къисмет хъана.

1963- йисуз хуьр къакъан чкадила дуьзендиз куьч хъана. Гъа инлай куьлухъ хуьр мисклин авачиз амай. Гила лагъайтла, чкадин властдин куьмек-

Дагъустан вичин къетлен тІебиат, къетлен адетар ва къетлен Динсанар авай чилин шардин надир пипІерикай сад я. Ислам динни Россиядиз Дагъустандай, адан къиблепатай атана. Амма къиблепатан дагъустанвийри фад ислам рикІелай алудиз башламишна. И кар иллаки советрин девирда йигиндиз кыле фена. Гила лагъайтла, дин кыле тухун патал вири рекъер ачух хъанва, руьгъдинни диндин азадвилдин гъакъиндай законар къабулнава. ГъакІ ятІани, диндал гъалтайла и районар хейлин куьлухъ галама.



Гилийрин хуьруьн ақунар

далди хуьруьн юкъни юкъвалай мисклин ицигдай чка ганва. Алай вахтунда фундамент эцигна куьтягнава ва эцигунин кІвалахар давам жезва. и кардик хуьрунвийри чпин лайихлу пай кутазава – пул авайда пулуналди, авачирбуру атана чкадал куьмекар гузва.

Къейд авун лазим я хьи, куьгъне Гилийрин хуьре мисклиндин дарамат гъеле амазма. Им архитектурадин халисан памятник лагъайтла, чун ягъалмиш жедач. Вучиз? Ам къетлен проектдай эцигнава, ахътинди мад Дагъустанда гъич са хуьрени авач.



Гилийрин хуьруьн куьгъне мисклиндин харапаяр

Адан сад лагъай этажда (подвалда) дегълиздин къве патани кылди кІвалер (гъужраяр) ава. Абур вири 10 ава – вад са патай, вадни – муькуь. Гъар са гъужрада 2 мутааллим (студент) яшмиш жезвай. Мисклиндин къвед лагъай мертебада капІ ийидай зал ава. Мисклиндин патав медресени гъай, ам исятда алай чкани чир жезмач.

Магъарам-гъажиди ихтилазавайвал, и мисклин гъа вахтунда тІвар-ван авай алим Гъажи Алисултан-эфендиндин гуьзчивилик кваз эцигна, гъада ина имамвални авуна. ГъакІни куьмек

пачагъ II Николаян сердердини гана. Ахцегъиз фидай рекъе ам и хуьре акъваз хъана ва эцигзавай мисклиндиз фикир гана. Хуьруьнвийрин тІалабуналди ада Дербентдай эцигунин материалар рекъе туна.

Советрин девирдин вахтунда и мисклин складдиз элкъвена.

И мисклиндин къетленвал мад адакай ибарат тир хьи, инай ягъай азандин ван сергъятдал алай Азербайджандин хуьрерани кваз къведай. Гила лагъайтла, мисклиндин патавай шегъре рехъ физва. Чехи пар чІугвадай машинри рехъ зурзурун себеб яз мисклиндин цлари хъиткъерар ганва.

Къунши Чепелрин хуьрени чаз шад жедай шикил ақунач. И хуьре са мус ятІани авай мисклин гъич мисклиндиз ухшарни амач, ам гъич ремонт ийидай тегъердани амач. Адан чкадал анжах цийи мисклин эхцигиз хъижеда. Инал чун ақуна кІватІ хъайибуруни гъа и кардин патахъай лагъана. Амма, жемьядин гафарай акъвазвайвал, и кардик кыл кутадай кас авач. И кІвалахар гъич – хуьре гъич хъвадай яд хъайитІани авач.

Чи командировкадин эхирдай чун тІарикъатдин шейх Мегъамед-эфендиндин ватан Ярагъдал атана. Лугъун лазим я хьи, Ярагъар куьч хъанвай хуьр я. Куьгъне Ярагъар и хуьруьвай 12 километрдин яргъа авай, ана амайдини тек са медресе я. Цийи хуьре шейхдин тІварунихъ галай чехи комплекс эцигна куьтягъ жезва. Ам сифтени-сифте мисклиндикай ибарат я. Комплексдик гъакІни медресе, мейит чуьхуьдай, никягъ ийидай, аялар суьрнетдай кылди-кылди кІвалер акатзава. Им Дагъустанда виридалайни чехи комплекс жеда. Эцигунин кІвалахарни Ярагъви Мегъамед-эфендиндин тІварунихъ галай фонддин председател Гъажибуба Рустамован гуьзчивилик кваз кыле физва.

Эхирдай заз лугъуз кІанзава хьи, Мегъарамдхуьруьн район диндин рекъяй са акъван вилик галачтІани, ам вилик тухун патал ина вири шартІар яратмиш жезва. Къейд ийиз жедай кар



Куьгъне мисклиндин кІаник мутааллимар яшмиш жезвай чка

МУСУРМАНДИН ФЕРЗЕР

КапI авунин шартIар ва къайдаяр

Эвел алатай нумрада

МИХЬИВАЛ ХУЪН (КЪВЕД ЛАГЪАЙ ШАРТИ)

КапI ийизвай касдин беден, партал ва гъакI чкани чиркерикай миxъи хъун чарасуз я. Чиркерик акатзава: цвар, нежес, экъуъчай шейэр, иви, нерин, лахъу кака ва гъакI чехир, эрекъ, пиво, ички квай маса шейэр... Чиркинбурук чпин як тIуън къадагъа авунвай гъай-ванрин некни акатзава.

Эгер винидихъ тIвар къунвай чиркерикай бедендал, парталдал ва я капI ийизвай чкадал сад къванни алаз хъайитIа, капI турусди яз гъисабиз жедач.

КАПИ ИЙИДАЙ ВАХТАРАЛ АМАЛ АВУН (ПУД ЛАГЪАЙ ШАРТИ)

1. Экуън капI ийидай вахт экв малум хъайила алукуъзава, ракънин диск хкатайла куътягъ жезва.

2. Нисинин капI ийидай вахт рагъ вичин гъундуърдай са тIимил акидай патахъ фейила алукуъзава, яни жуван хъен виридалайни тIимил хъайила башламиш жезва.

3. Рагъдандин капI ийидай вахт нисин капI ийидай вахт куътягъ хъайила (яни виридалай тIимил гайи хъендал гъа хъен гузвай шейнин яргивал алава хъувурла), башламиш жезва рагъ аклайла – куътягъ.

4. Гъетрен (хушун) капI ийидай вахт рагъ аклайла башламиш жеда, хурушум хъайила – куътягъ.

5. Месин капI ийидай вахт гъетрен (хушун) капI ийидай вахт куътягъ хъайила башламишда, экв малум хъайила (яни, экуънин кIуниин вахт алукуълайла) куътягъ жеда.

Вахтунин сифте кыляй ийизвай капI кымметлуди яз гъисабзава. Лугъуда хъи, Пайгъамбардиз (с.а.с.) суал гана: «Виридалайни хъсанди яз гъисабзавай кар (амал) гым я?»

Ада ихътин жаваб гана: «Вахтунда авур капI».

АВРАТ КИВИРУН (КЪУД ЛАГЪАЙ ШАРТИ)

КапI ийидай вахтунда инсан Аллагъдин вилик акъваззава, Гъадахъ галаз рахазва. Гъаниз килигна, адан винел патан акунар, партални Аллагъдин вилик уъзягъ жедайбур хъун герек я. Халикъдин вилик акъвазуналди, чна адаз гъуърмет ва икрам авун, ам кваз къун ва адахъай кичлевал къалурун лазим я.

Аврат – им араб чIалай атанвай гаф я. Инсандин кIевирна кланзавай, чарадан вилерикай чуънуъхна кланзавай паярикай (бедендин) са чка я.

Месела, итимар патал аврат – им метIерни кваз виниз ва пицIни галаз агъуз пай я. Дишегълийрин аврат гъилерин тапасарни чин квачиз вири беден яз гъисабзава. Дишегълидин кылин чIарарни аврат яз гъисабзава ва абур кIевирун лазим я.

КЪИБЛЕДИХЪ ЭЛКЪУЪН (ВАД ЛАГЪАЙ ШАРТИ)

КапI ийизвай инсанди вичин чин ам башламишнакуътягъдалди Къибледихъ элкъуърун лазим я. Къиблени мусурман патал Саудовский Аравиядин шегъер тир Меккеда авай Къабедин кIвал авай пад я.

Чарасуз авуна клани (ферз) ва чеб авун суваб яз гъисабзавай (суъннет) кIлар ийидайла бегъемарзавай ракаатрин (кылерин-коленипреклоненнийрин) къадарар:

Исламди мусурман суткада 5 сеферда капI авуниз мажбурзава:

гъуъниз, 4 ракаат рагъдандин куплунилай вилик, 2 ракаат гъетрен (хушун) куплунилай гуъгуъниз, 2 ракаат месин кIлунилай гуъгуъниз.

КАПИ АВУНИН КЪАЙДА

Гила капI авунив эгечIин. Чна виликамаз дастамаз къачунва ва капI авуниз гъазур хъунин вилик лагъанвай шартIар фикирда къунва. Чун Аллагъдин вилик Адахъ галаз суъгъбет ийиз гъазур я. Эгер жувак гунагъар квайди гъисс ийизватIа (абур квачир инсан бажагъат ава), ачухдиз, миxъи рикIелди хиве къуна кланда.



1. Экуън капI (саляту-с-субгъ) - 2 ракаат.

2. Нисинин капI (саляту-з-зугър) - 4 ракаат.

3. Рагъдандин капI (саляту-ль-аср) - 4 ракаат.

4. Гъетрен (хушун) капI (саляту-ль-магъриб) - 3 ракаат.

5. Месин капI (саляту-ль-ишаъ) – 4 ракаат.

И мажбуридаказ авуна клани кIларилай гъейри абурулай вилик ва гуъгуъниз ийизвай кIларни ава. Месэла, «Ратибат» ва «Раватиб». Ибур чарасузбурук кутунвач. Абуру тавуртIани, гунагъ туш. Гъа са вахтунда «Раватиб» авуртIа, пис жедач. Абурухъ еке метлеб ава. Абуру ферз тир кIлара ахъагъай гъалатIрикай хуъзва. «Раватиб» агъадихъ галай тегъерда кыле тухуда:

2 ракаат экуън кIлуниин вилик, 2 ва я 4 ракаат нисинин кIлуниин вилик ва гуъ-

гъазур хъана, жуван фикирар, рикI ва беден Аллагъ-Тааладин рекъе туна ва чин Къибледихъ элкъуърна чун капI ийиз гъазур я.

И арада азан (капI авуниз эвер гун) кIелда. Азан чарасуз месэла яз гъисабзавач. Им хъайитIа, пис тушир, хъсан яз гъисабзавай сунна я.

Азандин гафар агъадихъ галай тегъерда кIелда:

Аллагъу акбар (4 сеф.)
Ашгъаду алля илягъа илля-ллагъ (2 сеф.)

Ашгъаду анна Мугъаммадар-расулю-ллагъ (2 сеф.)

Гъаййя `алля-ссалягъ (2 сеф.)
Гъаййя `алля-фалягъ (2 сеф.)

Аллагъу акбар (2 сеф.)
Ля илягъа илля-ллагъ (1 сеф.)

Таржума:
Аллагъ виридалай Чехи я (4 сеф.)
За Аллагъдилай гъейри маса гъу-

цар авачирдан гъакъиндай шагъидвал ийизва (2 сеф.)

За Мугъаммад Аллагъдин Расул тирдан гъакъиндай шагъидвал ийизва (2 сеф.)

КапI ийиз ша (2 сеф.)
Агалкъунихъ ша (2 сеф.)

Аллагъ виридалай Чехи я (2 сеф.)
Аллагъдилай гъейри маса гъуцар авач (1 сеф.)

КЪЕИД: экуънин кIлуниин вилик азан кIелдайла **«Гъаййя `алля-фалягъдинни» «Аллагъу акбар»** гафарин арада 2 сеферда агъадихъ галай гафар кIелда:

«Ассаляту хайрун мина-н-навм».
«КапI ахварилайни хъсан я».

Азан куътягъайдалай гуъгуъниз Мугъаммад Пайгъамбардиз хийир-дуъа агъадихъ галай тегъерда кIелда:

«Аллагъумма салли `алля Мугъаммадин ва `алля али Мугъаммад. Аллагъума рабба гъазигъи-даъвати-т-таммати ва-с-саляти-ль-къаимати ати Мугъаммадани-ль-василята ва-ль-фадзилята вабъас-гъу макъаман магъмуданиллязи ваъадтагъ».

Я Аллагъ, Мугъаммад Пайгъамбардиз ва адан хизандиз хийир-дуъа ая. Я Аллагъ, гъазур жезвай кIлуниз эвер гунин иеси! Мугъаммадаз Женнетда виридалайни виниз тир дережа «Васила» ва Вуна адаз хиве къур лайихлу чка (фикирда Къийаматдин юкъуз мусурманриз куъмек гун ва гъабурун тереф хуън патал акъваздай чка «Макъаму Магъмуд» ава) це.

Азан куътягъна ва винидихъ галай дуъа кIелайдалай гуъгуъниз «рава-тиб» (суъннетдин капI) авунив эгечIа, эгер ам аваз хъайитIа, ахпа ферз яз ийизвай капI башламишдалди вилик икъамат (ферз тир капI малумарун) кIелда. Адан гафарни агъадихъ галай-бур я:

«Аллагъу Акбар, Аллагъу акбар, ашгъаду алля илягъа илля-ллагъ, ашгъаду анна Мугъаммадар-расулю-ллагъ, гъаййя `алля-с-саляти гъаййя `алля-л-фалягъ, къад къамати-с-саляту къад къамати-с-салягъ, Аллагъу Акбар, Аллагъу акбар, ля иллягъа илля-л-лагъ».

Аллагъ виридалай Чехи я (2 сеф.).

За Аллагъдилай гъейри маса гъуцар авач лагъана шагъидвал ийизва. За Мугъаммад Аллагъдин Расул я лагъана шагъидвалзава. КапI ийиз алад. Агалкъунихъ ша. Гила капI ийиз къарагъ (2 сеф.), Аллагъ виридалай Чехи я (2 сеф.). Аллагъдилай гъейри маса гъуцар авайди туш.

Икъамат куътягъайдалай гуъгуъниз ферз тир капI авунив эгечIа. Дишегълийри азан кIелун герек туш, амма икъамат кIелун гъабурзни меслят къалурзава.

КЪЕИД: Азан сабурулдаказ, ван акъудна (кIевиз), гъар са предложенидин эхирда ара атIуз кIелда; Икъамат лагъайтIа, ара атIунар авачиз фад-фад кIелун лазим я.

КъатI ама

КЪВЕ КАСДИН ЮКЪВА АНЖАХ АБУРУН ИХТИЯРДАЛДИ АЦУКЪИЗ ЖЕДА

Гъадис

ЖУЪМЯ ЙИКЪАН ВЯЗ - НАСИГЪАТ

Мугъаммадрасул-гъажи
СААДУЕВМахачкъала шегъердин Джума-
мискИиндин имам

Чи къуват чун тупламиш хъуна ава



Ихътин гъалара арадал къвезвай къилин суал ам я хъи, чна и кардиз гъикI дурум гуда, чун вири дуьньяда исламдиз акси яз тухузвай кIвалахдин хура гъикI акъвазда? И суалдиз авай жавабни, и кардин дарманни сад я – мусурмандин уьмметдиз адахъ виликда авай садвал, виликан къуват арадал жкана кIанда. Анжах гъа и дуьшуьшда чавай а Исламдиз акси яз тухузвай кIвалахдин хура акъвазиз жеда.

Гъи девир къуртлани, мусурманри къачур агалкъунар анжах абур тупламиш хъайила къачурбур я. «Ла илагъа

Исламдиз акси экъечIзавай, адахъ галаз женг чIугвазвай Иксарин къилин макъсад вуч я? Макъсад сад я – мусурманар чпин диндикай магърум авун ва абур ажурарун. И кардани исламдин душманри къилин фикир мусурманрин фикир дегишаруниз, абур исламдин ивиривай къакъудуниз гузва.

иллаллагъ» гафаралди тупламиш хъун, сада-садак къуьн кутун – ингъе къе им чи югъ-къандавай артух жезвай вири бедбахтвилерикай къутармиш хъун я. Чпин арайра авай акъажунар, ягъ-ягъунар акъвазарун патал мусурманри пак Къуръандин са аятдал амал авуна кIанда. Ингъе а аятдин мана: «Куьне Аллагъ-Тааладин дин кIевиз яхъ ва гъа и рекъе пайи-паяр жемир».

Садвилин рехъ

Гъелбетда, суал арадал атун мумкин я – виликан садвал гъикI арадал хкида, и кардиз гъихътин рекъер ава? Рекъерикай рахайтIа, рехъ сад я, гъамни чи риклера ава. Къутармиш хъун чи риклерин гъиссера ава, чун сад-садав чIугвазвай гъиссера. Ибур чна сада-садав лугъузвай гуьрчег гафар, ийизвай амалар туш. Им сифтени сифте чи къенепатан гъисс, къатлун, къатлунин бажарагъвал я. Амни Аллагъ-Тааладиз ибадат авуниз, адан Шариатдал амал авуниз эвер гузвай гъисс хъана кIанда. Ихътин гъисс чи рикле тахъанмаз са

гъихътин ятлани винепатан крари, эвер гунри чаз куьмек гудач. ТахъайтIа мусурман уьммет сад авун чи хиялар яз амукъда.

Винидихъ тIвар къур гъисс чи риклера арадал атун патал чна вуч авун лазим я? И суалдин жавабни ихътинди жеда – чна ара датIана Аллагъ-Таала риклел гъана, яни зикир авуна кIанда. Аллагъдин Пайгъамбарди ﷺ вичин пак тир гъадисда лугъузва: «За кIез куьне Аллагъ-Тааладин рекъе къизил харж авунилайни душмандихъ галаз женг чIугунилай хъсан, Аллагъдин патав виридалайни къимет авай фазилатлу кардикай лугъудани?» Женгинин юлдашри жаваб гана: «Лагъ, я Аллагъдин Пайгъамбар ﷺ». Пайгъамбарди ﷺ лагъанай: «Зикруллагъ, Аллагъ-Таала риклел гъун».

Са бязи мусурманри лугъунни ийизва – гъикI зикир авун къизилни гиммиш харжунилай ва я Аллагъдин рекъе гъазават авунилай хъсан я?

Жаваб сад я – Аллагъ авай рикле ажугъ хъуниз, пис крариз чка жедач.

Ихътин рикIай вичин диндин стха кIан хъунин гъиссер авахъда. Ингъе гъа им мусурман миллет сад ийидай дарман я. Амма, гъайиф хъи, къе мусурман уьмметди и дармандиз са акъван фикир гузвач. Мусурманар тупламиш хъунин дарман чи риклера аваз, жуьреба-жуьре багънаяр жагъурзава, са гъихътин ятлани партияр тешкилзава, конференцияр эверзава, ктабар акъудзава.

Эгер чна пакамлай няналди, Аллагъ риклелай алудна, маса крарикай фикир ийиз хъайитIа, и риклер гъасятда пичи жеда. Гъа Аллагъ риклелай алудунивай я мусурман уьмметдал вири бедбахтвилер къвайиди. Пайгъамбардин ﷺ гъадисдани гъа и кардикай лагъанва: «Мугъаммадан уьмметдал вагъши гъайванри чпин гуьрчел вегъедай хъиз гъужумда». Гъа икI жени ийизва. И кардин тахсиркарарни чун я. Гъадисда лагъанва: «Зун риклел гъизвай Зи лугIран патав Зун гъамиша гъа. Эгер ада Зун риклел гъайитIа, Зани ам риклел гъида. Эгер ада Зун инсанрин арада риклел гъайитIа, За ам гъадалайни хъсан обществода риклел гъида. Эгер ам Зи патав са камунин мукъув хъайитIа, Зун адав Аршдал мукъува жеда. Эгер ам Зав Аршдал мукъува хъайитIа, Зун адан патав генани мукъув жеда. Эгер ам Зи патав кIвач-кIвачи атайтIа, Зун адан патав зверна къведа».

Къуй Аллагъди чаз Вич риклел гъидай къуват гурай! Амин.

ИСЛАМДИН ЖАВАГЪИРАР

Имам Ал-ГъАЗАЛИ

Эвел - алатай нумрайра

Эгер азандин сес вал капI ийидайла агакъайтIа, а капI къилиз акъудна, салам гайидалай къулухъ, азандин вири жавабар эвез хъия. Имамди ферз капI башламишдай сифте такбир («Аллагъу акбар») сивай акъудайла, эглеш тахъана, имамдилай чешне къачуз, капI авунин къайдайрин ва эдеблувилин къиле къалурнавайвал къиле тухуз, ферз капI тамамара ва лагъ:

«Аллагъумма солли 'аля МухIаммадин ва 'аля али МухIаммадин ва саллим. Аллагъумма анта-с-саяму ва минка-с-саяму, ва иляйка яду-с-саям, фа-хIаййина раббана би-с-саями, ва адхилна дарака-с-саями, табаракта я за-ль-джалали ва-ль-икрами, субхIана раббия-ль-'алийи-ль-а'ла-ль-вагъгъаб. Ля илгъа илла-ллагъу вахIдагъу ля шерика лагъу, лагъу-ль-мулку ва лагъу-ль-хIамду, юхIийи ва юмиту, ва гъува хIаййун ля ямуту, би ядигъи-ль-хайру, ва гъува 'аля кулли шей'ин къадир. Ля илагъа илла-ллагъу, агълу-н-ни'ами ва-л-фадли ва сани хIусна, ля илагъа илла-ллагъу, ва ля на'буду илла иййагъу,

Дуьз рекъин эвел



мухлисина лагъу-д-дина, ва-ляв каригъа-ль-кафирун».

«Я Аллагъ, салат ва салам це Мугъаммадаз ва Мугъаммадан хизандиз ва тебрик ая, Вакай саламатвал къвезва, Ви патав саламатвал хкъвезва, тебрик ая чун саламдалди, эверна тур чун Ви кIвале – саламатвилин кIвале (женнет - ред.), берекатлу я Вун, гъейбатдин ва икрамар къабулуни сагъиб, пак, михъи я Вун, рабби, Таъала, къудратлувилин

къадар авачирди, вири няметар багъишзавайди.

Авач гъич са гъуцарни, Аллагъдилай гъейри, яз Ам сад, вири мулкар Аданди я, вири тарифар Адаз, Ада чан гъизва ва чан къачузва, Ам вич эбеди чан алайди я, къиникъ Адаз авач, Адан гъиле хийир ава, Ам гъар са кар тамамариз къудратлу я. Авач гъич са гъуцарни, Аллагъдилай гъейри, няметрин, жумартвилин, гуьзел тарифрин сагъиб, авач са гъуцарни, Аллагъ сад я, чна анжах Адаз рикIин сидкъидай, диндарар яз, ибадат ийизва, гъикъван и кар кафирриз хуш туштIани».

Ахпа Расулуллагъди ﷺ Айшадиз, рази хъурай адалай Аллагъ, чирай тамам, берекатрин кIватIал тир и дуьа кIела:

«Аллагъумма инни асъалука мина-ль-хайри куллигъи, 'аджилигъи ва 'аджилигъи, ма 'алимту мингъу ва ма лям а'лям, ва асъалука-ль-джанната ва ма юкъаррибу илейгъа мин къавлин ва амалин ва ниййатин ва-ътикъадин, ва а'узу бика мина-н-нари ва ма юкъаррибу илейгъа мин къавлин ва амалин ва ниййатин

ва-ътикъадин ва асъалука мин хайри ма саялака мингъу абдука ва расулука МухIаммадун солла-ллагъу аляйгъи ва саллам, ва 'аузу бика мин шарри ма-ста'зака мингъу 'абдука ва расулука МухIаммадун солла-ллагъу 'аляйгъи ва саллам. Аллагъумма ма къадайтIа ли мин амрин фадж'ал 'акъибатагъу рушдан».

«Я Аллагъ, Вавай за тIалабзава гъар са хийирлувал, гиланбурукай ва къвезмайбурукай, заз чизвай хийирлувиликай ва чир тийизвайдакай, це заз гъар са амал, ният, якъинвал – абур авайбур Вуна женнетдиз мукъва ийизвай - захъни хъун. За Валди игътиятвал ийизва жегъеннеминдин цIукай ва гъар са амалдикай – абур авайбур Вуна жегъеннеминдиз мукъва ийизвай. За тIалабзава Вавай а хийирлувал, ам тIалабай Вавай Ви лугIра ва илчиди Мугъаммада, салат гурай адаз Аллагъди ва салам, за Валди игътиятвал ийизва а писвиликай, адакай Валди игътиятвал авур Ви лугIра ва илчиди Мугъаммада, салат гурай адаз Аллагъди ва салам. Я Аллагъ, Вуна заз къалурнавай къадар-къисметдин эхир хъсанвал хъуй».

КъатI ама

Араб чIалай таржума авурди
Тажуддин-гъажи КЪАЗИБЕГОВ я

МЕСЭЛА КЪАРАГЪАРЗАВА

Расим ИСАЕВ,
Махачкъала шегьер

Алциф хъжеда чи булахар!

Эвел – алатай нумрада

Урусатда еке хъайи лезгийрин аяларни гзаф вахтара я члал, я мукъвакыли чир тавуна, гъа чкадин халкъдик акахъ хъийизва, сад къве несилдилай гелни амачиз квахъзава. Гъа икI, абуру къазанмишай девлетдилай гъейри, чи халкъдин еке девлет - генофонд квахъзава.

Къуьне фикир це, эгер гъар йисуз агъзурралди лезгийрин виклэгъ векилар михъиз экъечиз патаз физ хъайитIа, им чи гъевчи халкъдиз гъикъван залан кар я. Имни чун лап зайифарзавай кар тушни бес?

Чкадал аламайбурун арадани чандиз, руьгъдиз зайифбурун, савадсузбурун къадарни гзаф жезва. Абурукай садбур хъуник акатзава-гъатта аялрин пособияр, яшлу диде-бубайрин пенсиярни кваз ичкидихъ гузвай алчахари тIимил туш чи арада. Им вуч лагъай гаф я, еке са шумуд агъзур инсан авай, бегъем ийидай къвалах авачир хуьряй нехирбанвал, чубанвал ийидай кас жегъизвач, «крутояр» («звер алайбур») гзаф хъанва. Са бязи ихътин «дамахар» гвай мацIахайри чеб масадаз такваз-вай чкайра маларин нехир анихъ амуьк-рай, гъатта вакIарни кваз хуьзва, гъамбалвални ийизва. КIвалах авуна лагъана (гъи къвалах хъайитIани) инсандал леке къведач, ваякъанвал айиб я. Заз маса районар халкъари чIугвазвай зегъмет акуна. Месэла, бегъем цадай чил авачир Ботлих районар дагъвийри гъихътин жигъирра багълар кутуна, аниз еке азабривди террасаяр кутуна накъв, гимре, яд акъудна, ягъан тийи-

дай хътин емишрин бегъерар къачузва. Дарги районрин агъалийри лагъайтIа, гъелемартдинвацраамаз Ставрополдин ятахрилай вагонриз яна гимре хкана ам КамАЗ-ра аваз дагъларин никIериз акъудзава, чпин чилер къени ийизва ва анай йисан къиле гъихътин келемрин, картуфрин, газаррин бегъерар къачуз Урусатдиз тухуз маса гузва. Чи халкъдини арандани, дагъдани зегъмет чIугвазва. Амма цазвай никIер, бегъер гузвай багълар къвалер эцигун патал пайна куьтягъай, патан инсанриз маса гайи дуьшуьшарни гзаф ава, ачухдаказ ваякъанвал ийизвайбурун, еке хзан

гъакI янухар хъиз тухунни ийизва. Са жегъилрин тахсир туш ам, а крар чIехи несилри чирун лазим я, чи интеллигенциядин ва гъакимрин хиве авай кар я. ЧIални хвена къанда, чIала я халкъ хуьз-вайди. ЧIал чаз агъзур йисарин девирда къватIна чи ата-бубайри агакъарна-вай хазина я, ам квадарун, вара-зара авун фагъумсуз къвалах я.

Къвед лагъайди. Къвезвай несилар, чи гележег тир жегъилар ичкидин, байгъушдин, гъиллебаз ва гъарам рекъерин къармахра гъат тийидайвал чалишмишвилер авуна къанда. Диндин рекъяй за ихтиллат винидихъ авунай, алава яз

хайи чилел къазанмишай тежриба, девлет жуван невеярни галаз ишлемишда. Маса кар тахъайтIа, инсан са руфун, са нефес патал туш хъи яшамиш жезвайди. Пака инсандин тIвар элдин сивера, рикIера амуькун тIимил кар яни бес?

Къуд лагъайди. Чи лезги чилер, багълар, уьзуьмлухар гзаф вахтара гъакI баябан хъана амуькъзава, чи дагъларин яйлахра гъикъван мал-къара хуьдай ишлемиш тийизвай мумкинвилер ава. Алай вахтунда хуьруьн майишатда зегъмет чIугваз къанзавайбуруз къезилвилер гузва. Ваь, са бязибуруз регъят фу къанзава, са легъзеда олигархар жез къанзава. Амма гъакъикъатдин уьмуьрда тек-бир я лотореяда бахтуни ишлемишдайди, гъи къвалахда хъайитI, бине зегъмет я. Эхъ, ава исятда регъят пулар акъуддай гъиллебаз рекъер, ахътин пулар гъа атайвал хъфинни ийизвайди я, абуру бахтсузвилерни дявээр арадал гъизвайди я. Сел алахна фида, куьлуьз-куьлуьз яргъалди къвазвай марф я кужумзавайди чили, гъада я девлет ва берекат гъизвайди. Вил вегъена килгайтIа, хъсан къатIун авай инсандиз гъа чкадални гъамиша фу жегъида, са тIимил гъавалат хъайитIа, фуал нисини, чIемни, гъатта икрани къведа.

Пуд лагъайди. Жегъилар хуьряй кат тавун патал чкадал жезмай къван гзаф карханаар, хизан хуьдай мумкинвилер гъазурна къанда. Патаз фейи къвачи дуьз чил къунвай чи ватангълийрихъ галаз къвалах тухвана абуру хайи чилел жуьреба-жуьре карханаар эцигдай рекъериз чпин пул ишлемишдай фикирдал гъанайтIа хъсан тир. Вахтар фейила амуькдайдиди гъа хайи чилел вуч авунатIа, гъам тирди, гъавурда туна къанда а ксар. Абуруз, за винидихъ лагъайвал, чпин Ватанда са тIвар алай чка жеда, халкъдизни регъят жеда, Ватандални акваз-такваз чан хкъеда. Чебни са яшар хъайила хтана жуван

Ибур хайи халкъдихъ рикI куз авунвай жуван веривирдар я. Белки зун са месэлайрай гъахъ туш, белки са месэлаяр гъялдай маса рекъер ава. Азар сагъар хуьвун патал сифте ам хиве къуна къанда, ахпа дуьз диагноз эцигна дарманрихъ къекъуьн лазим я. Еке жерягъ туштIани, жуваз чидайвал за лагъана. И ихтиллат агализ жедай ихтиллат туш. Ам чи камаллубуру, вилик жергейра авай чи алимрини гъакимри, къуват-къудрат хъанвай хайи халкъдихъ рикI кузвай лезги стхайри давамарнайтIа, гъарда вичин фикир лагъана са дуьз рехъ тайинарнайтIа, заз чиз, пис жедачир.

Къвезвай несилар, чи гележег тир жегъилар ичкидин, байгъушдин, гъиллебаз ва гъарам рекъерин къармахра гъат тийидайвал чалишмишвилер авуна къанда. Гъар хуьре вичин дуьз мискIин, дуьз фекъи хъун лазим я, халкъдин арада гъуьрмет авай.

хъайилани «халуди» чеб хвена къанзавайбурун къадарни гзаф я. Пака Урусатдини фу тахгайтIа, вуч неда инсанри?

Вич-вичиз суал къвезва - бес чна вуч авун лазим я чун гъа виликан дережайрив агакъ хуьвун патал?

Сад лагъайди, бинейрин бине тир кар - халкъдин руьгъ хкъажна къанда. Иллаки жегъилриз вичин ери-бине, вичин тарих, вичин къегъал рухваяр чирун лазим я. Гаф атай чкадал лагъана къанда - бязи чи жегъилар а къайдада руьгъдай аватнава хъи, чеб лезги тирди кичIез-регъуьз лугъузва. Америкадин тарих 200 йис я, урусриз чпин гъукумат аваз са агъзур йис ятIани чидач. Лезги халкъдихъ хътин тарих авайтIа, маса халкъари дамахдивди чпин хур гатаз экъведай. Чи халкъ лап сифте дуьньяда пайда хъайи цивилизациярик пай кутур халкъ тирди чизвач гзаф пай жегъилриз, течирвилай чеб

ТАРИХ

Пак шейхер ва абурун караматар

Буба АГЪМЕДОВ

Къурагъ райондин Ашарин хуьр

Эвел – алатай нумрайра

Къурагъ дерада пак шейхерин зияратар пара ава. Вирибурукай лугъузни кхъизни четин я, вучиз лагъайта абурун караматрикай акъван чирвилер авач, гъавиляй Аллагдай абуруз рагъметар гурай! Чи Ашарин хуьр элкъуьрна шейхерин зияратри къунва. Вирибурукай лугъуз четин жезва. Амма са къве шейхдикай куьрелди.

ШЕЙХ АБДУЛЛА

Адан зиярат хуьруьн къанел чIехи сурарин къерехдал къибледихъ элкъвенва. Хуьруьн агъсакъалрин лугъунриз килигна, рагъметлу Шейх Абдулла Агъул дерадин РичIар тIвар алай хуьруьз акъатда. КIвале вич илифай хванахва чубан яз, лапагар гваз гъуьндугдал алаз хъана. Хванахвадин папа агъсакъал шейхдиз тIуьн-хъун гана йифиз ксудай къвал къалурна.

Хванахвадин папаз шейх ксузвай къвале экв аваз аквада. РақIарин жалгъадай адаз шейхди вичин тупIарай экв кукIуьрна Пак Къуьран къелзаваз акуна. Тажуб хъайи хванахвадин паб гъуьндугдал вичин гъуьлуьз и кардикай лугъуз гъерекатдив фида. И кардикай аян хъайи шейх хуьруьз Ашаз хуьквез рекъиз экъечIа. Хуьруьз

ахкакъун ам Аллагдайдин къадардал рагъметдиз фида. Хванахва ам къейи чкадал гъалтда. «Вил галай заз, гена ам ахкунал зун пара шад я», - лагъанай ада.

ШЕЙХ ИБРАГЪИМ

И шейхдин зиярат Ашар хуьруьн эрчи къвалав дуьзендал ала. А дуьзен хуьруьвай къамун деради чара ийизва. И пак шейхди чуьлдин гъайванриз дуьа къелна къел гуз эвердай. Чуьлдин гъайванар - дагъдин къунар, цIегъер, миргер, къуьрер, сикIер, гъатта жанавурарни кваз къел нез къведалдай. Къел тIуьна шейхди абур хъфинин буйругъ гайила, абур атайвал хъфидалдай.

Са гъуьрчехъандиз чуьлдин са цIегъ ягъиз къан жеда. Шейхди ягъиз ганач, адаз вичин лапагрикай лапаг гана ам рази авуна.

Вири шейхериз рагъметар гуй! Абурун нурдик хуьй чун! Амин!

Я Сад тир Аллагдай! Ви мергъяматлувиликай, регъимдикай умуд атIур гъаларикай тахъуй!

Я Сад тир Аллагдай! И пак шейхерикай кхъена гунагъ жедай гаф-цIар кваз хъайитIа, за залай гъил къачун тIалабзава!

Пак Къуьран къелун ва пак шейхерикай кхъин тамам хъунал зи мурад къилиз акъатна.



ЖЕГЬИЛВИЛИН ВАХТ

Шукур хъуй Сад тир Аллагъдиз ва Пайгъамбардизни салават. Жегьилвал - им гзаф куьруь вахт я, арабир акI жеда хьи, ам са вахтундани куьтягъ тежедай хьиз. Жегьилри фикирни ийизвач, идалай вилик хъайи инсанар хьиз, чебни къуьзуь жедайдакай.

Жегьилвал - им Аллагъ-Таалади инсан имтигъан ийидай вахт я. Им гъакни инсандик гзаф къуват квай ва нефсиниз къати ва и фана дуньядин гурчегвилери вичелди желб ийидай вахт я.

Лянет хъайи шейтандиз вичин чалишмишвилелди жегьил несилар Аллагъдин рекъелай алудна вичин рекъиз гъиз кланзава. Гзаф жегьил инсанриз шейтандин фендигарвиликай ва адан фитнейрикай хабарни авачиз, ада эцигай рекъай физва. Гъелбетда, гъич са вахтундани шейтандив жув дуьз рекъелай алуддай багъна вугана виже къведач. Ихътин вахтунда гъерекатна туба авун лазим я.

Алай вахтунда чи жегьилар дуьз рекъелай алатун паталди гъар жуьредин рекъер ава: телефонар, интернет, машинара ва мсб. Гъелбетда, и шейэр дуьз рекъизни ишлемиш ийиз жеда, эгер ишлемишдай къайда чиз хъайитIа.

Гъурметлу стхаяр ва вахар! Аллагъ-Таалади Пак тир Къуръанда чаз веси авунва (мана): «Гъакъикъатда, шейтан куь душман хьиз яхъ...» (35-сура, 6-аят). Гзаф инсанри шейтан чпин дуст хьиз къунва ва адан гуьгъуьна къекъевезва. Аллагъди чун и кардикай хурьрай. Имам Гъакималай атанвай якъин тир гъадисда икI лугъузава: «Вад шейэникай вад масадбур къедалди менфят къачу: жегьилвиликай - къуьзуь жедалди, сагъламвиликай - са гъазар галуьдалди, девлетлувиликай - жув кесиб жедалди, азад вахтуникай гъамишалугъ машгъул жедай вахт къедалди ва жувал чан аламаз чан вахчудалди».

Баззарани ва Табраниди якъин тир гъадисда лугъузава: «Са патахъни юзадач Аллагъдин лукI къияматдин юкъуз къуд суалдиз жаваб таганмаз: квел акъуднатIа уьмуьр, квел акъуднатIа жегьилвал, гъикI къазанмишнатIа девлет ва гъиниз харж авунатIа ва гъикI ишлемиш авунатIа илим». Аллагъ-Таалади чаз виридаз куьмек гурай! Амин!

Сулейман-гъаж
аль-Ахты

СУАЛ-ЖАВАБ

КIелзавайбурун суалриз "Ас-Салам"-дин канонический редактор Мугъаммад-гъаж Мугъаммадова жавабар гузва

Къенвай касдин сурал Къуръан ва салават кIелун патал адан мукъва-къилийривай ихтияр къачун лазим къевезвани?

- Ваь, и карда мукъва-къилийривай ихтияр къачун лазим къевезвач, вучиз лагъайтIа и кар садакъадай ва я къенвайди патал ийизвай хийирлу кар жезва.

Заз кIвалинбуру лугъузава хьи, гуь алимри мусурманриз кIвалахун герек туш, абуруз къевезвайди Аллагъди вичи гузвайди я лугъуз тескиьарзава. За абуруз гъихътин жаваб гун лазим я?

- Ихътин ихтилатар ийизвайбур чпиз Ислам ва алимар вуч ксар ятIа чин тийизвайбур я. Гъич са алимдини ихътин гафар лугъудач. Аллагъдин Пайгъамбардини лагъанва: «Дугъ-риданни, Аллагъдиз кар алакъдай инсанар клан я».

Эгер рушаз мукъва-къили авачиз хъайитIа, ам некаягъзавай имамдиз адан патахъай валивал ийидай ихтияр авани?

- Эгер рушахъ бубадин патай мукъва-къилияр авачиз хъайитIа, имамдивай адан патахъай вали яз некаягъ авуртIа жеда.

Чара хъайидалай гуьгъуьниз зи виликан итимдиз чи къве йис хъанвай руш вахчуз кланзава.

Гъар сеферда кар къалралди куьтягъ жезва. За вуч авун лазим я?

- Аял тамаюз дережадив агакъдалди, яни адавай писни хъсан чара ийиз, вичи вичиз нез чир жедалди, ам дидедихъ галаз амукъна кланда. Ахпа адаз хъядай ихтияр ава – я буба, я диде. Эгер дидедихъ нукъсанар кваз хъайтIа, месела, ада капI ийин тийиз, чуру крар ийиз хъайитIа ва я ам маса гуьлуьз фенваз хъайитIа, аял бубадив вахкуда, эгер ихътин крар бубади ийиз хъайитIа – дидедив.

Тасбиь-куплар гъи вахтунда авуртIа хъсан я – экуьнахъ ва я няхихъ?

- Экуьнин куплунилай къулухъ рагъ экъечIна ам са копъедин виниз хъаж жедалди, рагъдандин куплунилай къулухъ рагъ экIдалди, гъакни рагъ гуьндурда (зенит) авайла тасбиь-куплар авун къадагъа я. Амай гъи вахтунда хъайитIани абура авуртIа жеда.

За тажагъуд-капI экуьнин капI башламиш жез вад минут амайла авуна. Им дуьз жезвани?

- Эгер куне ам экуьнин куплуниз азан гуз вад минут амаз куьтягънатIа, куне тажагъуд-капI авурдай жезва

Мюридрин арада гъихътин алакъяр хъана кланда?

- Гъар са мюриддиз масад вичелайни хъсанди яз акуна кланда. Са устазди лагъайвал, гъар са мюридди масадаз гъа вичиз гуьурметзавай тегъерда гуьурметна кланда.

Са мазгъабдай масадаз экъечIдай ихтияр авани?

- Са мазгъабдай масадаз экъечIдай ихтияр ава, вучиз лагъайтIа исламда



абур вири сад я. Амма и кардихъ вичин шартIар ава. Месела, экъечIай мазгъаб кваз къан тийидай хътин крар тавун, талфикъ тавун, яни са шариятдин къарарда къве мазгъабдин принципар ишлемиш тавун...

Суал SMS-дай къабулнава

8928...32

Зи тIвар Селимат, яшарни 15 йис я. За куь газет кIелзава, кIез чухсагъул. За куплар ийиз башламишна 10 варз я. Гила заз завай ахъа хъайи сиверни куплар къаза хъийиз кланзава. За гъихътин ният авуна клан жезва?

- Къаза хъийизвай куплариз ният ийидайла, «ада» гафунин чкадал «къаза» лугъудай гаф ишлемишна кланда. Месела: «Ният ийизва за нисинин къуд рекъятдин зал ферз тир за ахъайнавай капI къаза хъувуниз Аллагъ паталди. Аллагъу Акбар».

Гъурметлу газет кIелзавайбур! Гила куь суалар, теклифар редакциядиз SMS-рин куьмекдалди 8 903 424 56 35 нумрадиз ракъуриз жедайди чна куь рикIел хкизва.

ДАГЕСТАНСКИЙ ИСЛАМСКИЙ УНИВЕРСИТЕТ имени шейха Мухаммада-Ариффа и МЕДРЕСЕ имени шейха Мухаммада-Ариффа

объявляют прием абитуриентов на 2008/09 учебный год.

Обучение предназначено для получения целостных знаний об Исламе и подготовки квалифицированных специалистов культа исламского вероисповедания, преподавателей, обладающих профессиональным уровнем теоретической и практической подготовки со средним и высшим профессиональным образованием.

В Дагестанский Исламский Университет принимаются юноши и девушки, имеющие среднее (полное) общее образование (11 кл.), в Медресе – основное общее образование (9 кл.).

Поступающие проходят следующие испытания:

1. Русский язык (диктант).
2. Комплексное собеседование.

ПЕРЕЧЕНЬ ДОКУМЕНТОВ, НЕОБХОДИМЫХ:

- Для поступления в Университет:**
1. Аттестат о среднем (полном) общем образовании.
 2. Копия паспорта.
 3. Фотокарточка (3x4) – 5 шт.
 4. Медицинская справка (форма Ф 086).

5. Прививочный сертификат (форма Ф 156/у-93).
6. Рекомендация от имама мечети или руководителя религиозной организации по месту жительства абитуриента.

Для поступления в Медресе:

1. Документ об основном общем образовании (9 кл.) + копия.
2. Копия паспорта – 2 шт.
3. Фотокарточка (3x4) – 5 шт.
4. Медицинская справка (форма Ф 086).
5. Прививочный сертификат (форма Ф 156/у-93).
6. Рекомендация от имама мечети или руководителя религиозной организации по месту жительства абитуриента.

ПРИЕМ ДОКУМЕНТОВ С 01 ИЮНЯ ДО 19 ИЮЛЯ 2008

ЭКЗАМЕНЫ – С 21 ИЮЛЯ.

Обращаться по адресу:

**РД, г. Махачкала, ул. Дахадаева, 136
(район Центральной Джума-мечети),**

Учредитель
Благотворительный фонд "Путь".
Газета печатается по согласованию и
одобрению Духовного управления
мусульман Дагестана

Редактор
Зулейха ХАНМЕГЪАМЕДОВА

Канонический
редактор
Шамиль ОМАРОВ

Верстка
Асият ХАНОВА

Газета зарегистрирована
Управлением Федеральной службы по надзору
за соблюдением законодательства в сфере
массовых коммуникаций и охране культурного
наследия по ЮФО (г. Ростов-на-Дону) –
свидетельство о регистрации
ПИ № ФС 10-6401 от 15 декабря 2006 г.

Индекс 51325

При перепечатке ссылка обязательна
Газета набрана и сверстана
на компьютерной базе «Ас-салам»

Отпечатана в ООО «Дом печати»
пр. Акушинского, 20 Заказ № _____

Сдано в печать 12.07.2008

Тираж 2000 экз.
Адрес редакции:
367015 РД, г. Махачкала,
ул. М. Ярагского, 128

Телефон: (8722) 61-00-64

E-mail: info@assalam.ru
web: www.assalam.ru